

اتوار 18 اگست، 2019

مضمون۔ حبان

سنہری مستن: 34 زبور 22 آیت

”خداوند اپنے بندیاں دی جان دافدیہ دیندا اے تے جیہڑے اوہدے اُتے بھروسہ کر دے نیں اوہناں وچوں کوئی
مجرم نہ ٹھہرے گا۔“

جوابی پڑھائی: زبور 33:18 توں 21 آیتاں

زبور 34:1، 2، 4 آیتاں

18۔ ویکھو! خداوند دی نظر اوہناں اُتے آجیہڑے اوہدے توں ڈردے نیں۔ جیہڑے اوہدی شفقت دے
طلب گار نیں۔

19۔ تاں جوں اوہناں دی جان نوں موت توں بچاوے تے قحط وچ اوہناں نوں جیوند رکھے۔

20۔ ساڈی جان نوں خداوند دی امید اے۔ اوہ ای ساڈی نمک تے ساڈی سپر اے۔

21۔ ساڈا دل اوہدے وچ شادمان رہوے گا کیوں جے اسی اوہدے پاک ناں اُتے بھروسہ کیتا اے۔

- 1- میں ہر ویلے خداوندوں دھن آکھاں گا۔ اوہدی تعریف سدا تیکر میری زبان اُتے رہوے گی۔
- 2- میری روح خداوند اُتے فخر کرے گی۔ حلیم ایہہ سن کے خوش ہوون گے۔
- 4- میں خداوند اطالب آں، اوہنے مینوں جواب دتاتے میری سارے خوف توں مینوں رہائی بخشی۔

درسی وعظ

بائبل وچوں

1- زبور 25:1، 2 (توں:)، 4، 6، 10، 12، 20، 13، 21 آیتاں

- 1- اے خداوند میں اپنی جان تیرے ول اٹھاناواں۔
- 2- اے میرے رب! میں تیرے اُتے بھروسہ کیتا۔ مینوں شرمندہ نہ ہوون دے۔ میرے ویری میرے اُتے شادیا نہ و جاون۔
- 4- اے خداوند! اپنیاں راہواں مینوں دکھا اپنے رستے مینوں دس دے۔
- 5- مینوں اپنی سچائی اُتے چلاتے تعلیم دے۔ کیوں جے توں میرا ملکتی دین والا رب ایں۔ میں دن بھر تیری ای اڈیک وچ ریاناواں۔

- 6- اے خداوند اپنیاں رحمتاں تے شفقتاں نوں یاد فرما کیوں جے اوہ ازل توں نیں۔
- 10- جیہڑے خداوند دے عہد تے اوہدیاں شہادتیاں نوں من دے نیں۔ اوہناں لئی اوہدیاں ساریاں راہواں شفقت تے سچائی نیں۔
- 12- اوہ کیہڑا اے جیسر خداوند توں ڈردا اے؟ خداوند اوہنوں او سے ای راہ دی تعلیم دیوے گا جیسری اوہنوں پسنداے۔
- 13- اوہدی جان سکون وچ رہوے گی۔ تے اوہدی پیڑی دھرتی دی وارث ہووے گی۔
- 20- میری جان دی حفاظت کرتے مینوں چھڑا۔ مینوں شرمندہ نہ ہوون دے کیوں جے میرا بھروسہ تیرے ای اُتے آ۔
- 21- دیانت داری تے راستبازی مینوں سلامت رکھن۔ کیوں جے مینوں تیری ای امید اے۔

2- زبور 8:42 (خداوند)، 11 آیتاں

- 8-۔۔۔ دن نوں رب اپنی شفقت دکھاوے گا تے رات نوں میں اوہدا گیت گائوں گا بلکہ اپنی حیات دے رب توں دعا کراں گا۔
- 11- اے میری جان! توں کیوں ڈگی جانی ایں؟ توں اندر ای اندر کیوں بے چین ایں؟ رب توں امید رکھ کیوں جے اوہ میرے چہرے دی رونق تے میرا بے۔ میں فیر اوہدی تعریف کراں گا۔

3- روت 1 باب 1 (کوئی)، 2 (تو تباہ)، 3، 4 (تو:)، 5، 6 (تو:)، 8 (تو تباہ)، 16، 22 آیتاں

1-۔۔۔ بیت لحم داک مرد اپنی بڑھی تے دو پتراں نوں لے کے ٹریا پئی موآب دے ملک وچ جا کے وسے۔

2- ایس مرداناں الی ملک تے اوہدی بڑھی داناں نعومی سی تے اوہدے دونواں پتراں دے ناں مخلون تے کلیون سی۔ ایہہ یہوداہ دے بیت لحم دے افراتی سی۔ ایس لئی اوہ موآب دے ملک وچ آ کے رین لگے۔

3- تے نعومی داشوہر الی ملک مر گیا۔ ایس لئی اوہ تے اوہدے دونویں پتر باقی رہ گئے۔

4- اوہناں دونواں نے اک اک موآبی عورت نال ویاہ کر لیا۔ اوہناں وچوں اک داناں عرفہ تے دوجی داناں روت سی۔ تے اوہ دس وریاں دے نیسہرے او تھے رئے۔

5- تے مخلون تے کلیون دونویں مر گئے۔ ایس لئی اوہ عورت اپنے دونواں پتراں تے خاوند توں چھوٹ گئی۔

6- فیر اوہ اپنیاں دونواں نوں نہواں نوں لے کے اٹھی پئی موآب دے ملک توں واپس ٹر جاوے ایس لئی پئی اوہنے موآب دے ملک وچ ایہہ حال سنیا پئی خداوند نے اپنے لوکاں نوں روٹی دتی تے ایہدا اوہناں دی خبر لئی۔

7- ایس لئی اوہ اوس تھاں توں جیتھے اوہ سی دونواں نوں نہواں نوں نال لے کے ٹر پئی تے اوہ ساریاں یہوداہ دی دھرتی تے واپس مڑن لئی رستے اُتے ٹر پیاں۔

8- تے نعومی نے اپنیاں دونواں نوں نہواں نوں اکھیا پئی تسی دونویں اپنے اپنے میکے نوں جاو و جیویں تسی مرحوماں دے نال تے جیویں میرے نال کیتا ونج ای خداوند تہاڈے نال مہرتوں پیش آوے۔

16- روت نے آکھیا توں منت نہ کر پئی میں تینوں چھڈ دیواں تے مگروں واپس ٹر جاواں کیوں جے جیتھے توں جاویں گی میں جاواں گی تے جیتھے توں رہویں گی میں رہواں گی تیرے لوک میرے لوک تے تیرا رب میرا رب۔

22- ایس لئی نعومی واپس مڑی تے اوہدے نال اوہدی نو نہہ موآبی روت سی جیہڑی موآب دے ملک توں ایتھے آئی تے اوہ دونوں جو کٹن دے موسم وچ بیت لحم وچ داخل ہوئیاں۔

4- روت 2 باب 1، 2 (توں پہلا)، 8 (توں پہلا)، 11 (ایہہ)، 12 آیتاں

1- تے نعومی دے شوہر دا اک رشتہ دار سی جیہڑا ایملک دے گھرانے دا تے بوہت مالدار سی اوہداناں بو عز سی۔

2- ایس لئی موآبی روت نے نعومی نوں آکھیا مینوں اجازت دے تے میں کھیت وچ جاواں تے جیہڑا کوئی کرم دی نظر میرے اُتے کرے اوہدے پیچھے پیچھے سٹے چناں اوہنے اوہنوں آکھیا جا میری دھی۔

8- فیر بو عز نے روت نوں آکھیا

11- بو عز نے اوہنوں آکھیا پئی جیہڑا کجھ توں اپنے خاوند دے مرن توں بعد اپنی ساس دے نال کیتا اوہ سارا مینوں پورے طور تے دسیا گیا اے پئی توں کیوں اپنے ماں پوتے زاد بوم نوں چھڈیا تے اوہناں لوکاں وچ جنہاں نوں توں ایس توں پہلاں نہیں جان دی سی آئی۔

12- خداوند تیرے کم دا بدلہ دے بلکہ خداوند اسرائیل دے رب ولوں جیدے پراں بیٹھاں توں پناہ لئی آئی ایں تینوں پورا اجر ملے۔

5- روت 4 باب 13، 14، 17 آیتاں

13- ایس لئی بو عز نے روت نوں لیا تے اوہ اوہدی بڈھی بنی تے اوہنے اوہدے نال خلوت کیتی تے خداوند دے فضل نال اوہ حاملہ ہوئی تے اوہدے پتر ہوئیا۔

14- تے بڈھیاں نے نعومی نوں آکھیا پئی خداوند دھن ہووے جنسے اج دے دن تینوں نیڑے دے قراہتی دے بغیر نسین جھڈیا تے اوہداناں اسرائیل وچ مشہور ہووے۔

17- تے اوہدیاں گوانڈناں نے اوس بچے نوں اک ناں دتا تے آکھن لگے پئی نعومی لئی اک پتر پیدا ہوئیا ایس لئی اوہناں نے اوہداناں عوبید رکھیا اوہ ایسی دا پوسا جیہڑا داؤد دا پواسا۔

6- رومیوں 8 باب 28، 31، 35، 37 توں 39 آیتاں

28- تے ساہنوں پتہ اے پئی ساریاں شیواں رل کے رب نوں پیار کرن والیاں لئی بھلیا پئی پیدا کر دیاں نیں یعنی اوہناں لئی جیہڑے رب دے ارادے دے مطابق سدے گئے۔

31- ایس لئی اسی اوہناں گلاں دے بارے کیہ آکھئے؟ جے رب ساڈے ول اے تے کیہڑا ساڈا مخالف اے؟

35- کیہڑا ساہنوں مسیح دے پیار توں وکھ کرے گا؟ مصیبت یا تنگی یا ظلم یا کال ننگا پن یا خطرہ یا تلوار؟

37۔ پر لہناں ساریاں حالتاں وچ مسیح پاروں جنھے ساڈے نال پیار کیتا ساہنوں فتح توں وی ودھ کے غلبہ حاصل ہندا اے۔

38۔ کیوں جے مینوں یقین اے پئی رب دا پیار جیہڑا ساڈے خداوند مسیح یسوع وچ اے اوہدے توں ساہنوں نہ موت دکھ کر سکے گی نہ حیاتی۔

39۔ نہ فرشتے نہ حکومتاں۔ نہ حال دیاں نہ استقبال دیاں شیواں۔ نہ قدرت نہ بلندی نہ پستی نہ کوئی ہور مخلوق۔

7۔ مکاشفہ 1 باب 1، 2 آیتاں

1۔ یسوع مسیح دا مکاشفہ جیہڑا اوہنوں رب ولوں ایس لئی ہو گیا پئی اپنے بندیاں نوں اوہ گلاں دکھاوے جنہاں دا جلد ہونا ضرور اے تے اوہنے فرشتے نوں گھل کے اوہدی معرفت اوہناں نوں اپنے بندے یوحنا تے ظاہر کیتا۔

2۔ جنھے رب دے کلام تے یسوع مسیح دی گواہی دی یعنی اوہناں ساریاں شیواں دی جیہڑیاں اوہنے دیکھیاں سی شہادت دتی۔

8۔ مکاشفہ 21 باب 1 توں 4 آیتاں

1۔ فیر میں اک نواں آسمان تے نویں دھرتی نوں دیکھیا کیوں جے پہلا آسمان تے پہلی دھرتی جاندی رہی سی تے سمندر وی نہ رہیا۔

بائبل دا ایہ سبق پلین فیلڈ کرچن پرچ، آزادولوں تیار ہو یا اے۔ ایہ کنگ جیمز بائبل دیاں آیتاں تے میسرے سیکر ایڈی دی لکھی ہوئی کرچن سائنس دی درسی کتاب، ”سائنس تے صحت آیتاں دی کنجی دے نال“ وچوں لیاں ہوئیاں لازمی تحریراں نال بنیاں۔

2- فیر میں شہر مقدس نوے یرو شلم نوں آسمان اتوں رب کولوں اتر دیاں ویکھیاتے اوہ او س ووٹی دی طراں
سجیا ہو نیا سی جنسے اپنے شوہر لئی شنگھار کیتا ہووے۔

3- فیر میں تخت وچوں کسے نوں اچی آواز نال ایہہ آکھدیاں سنیا پئی ویکھ رب دا خیمہ آدمیاں دے وچکاراے
تے اوہ اوہناں دے نال سکونت کرے گاتے اوہ اوہدے لوک ہوون گے تے رب آپ اوہناں دے نال
رہوے گاتے اوہناں دارب ہووے گا۔

4- تے اوہ اوہناں دیاں اکھیاں دے سارے اتھر وپونجھ دیوے گا۔ ایہدے توں بعد نہ موت رہوے گی تے نہ
وین رہوے گا۔ نہ چیچ وپکار نہ پیڑ۔ پسلیاں شیواں جان دیاں رہیاں۔

سائنس تے صحت

1- 307:25 (الہی)۔ 30

الہی سیان انسان دی حبان اے، تے انسان نوں ساریاں شیواں اُتے حکمرانی دیندا
اے۔ انسان نوں مادیت دی بنیاد اُتے نہیں بنایا گیا تے نہ اوہنوں مادی قانوناں دی پاسداری دا
حکم دتا جیہڑے روح نے کدی نہیں بنائے؛ ایہد ا صوبہ روحانی قانوناں، سیان دے
اُچے اصولاں وچ اے۔

2- 249:31-5

انسان روح دا پرچھانواں اے۔ اوہ مادی احساس دے بالکل خلاف اے، سوائے اک انا دے۔ اسی اوہدوں عنسلطی کردے آں جدوں اسی روح نوں وکھریاں وکھریاں روحاں وچ ونڈ دیندے، میان نوں ہور میاناں وچ ودھا دیندے تے عنسلطی توں میان بناؤن دی توقع رکھدے آں، فیرو میان نوں مادے وچ ونڈدے آں تے مادے توں قانون بناؤن دی امید رکھدے آں، جہالت توں میان وانگر کم کرن تے فنائیت توں لافنائیت دا سانچہ بن دی امید کردے آں۔

3- 390:4-9

اسی ایہدے توں انکار نہیں کر سکدے پئی حیاتی خود پرور اے، تے ساہنوں روح دے ہمیشہ والی ہم آہنگی توں انکار نہیں کرنا چاہیدا، کیوں جے، ظاہری احساساں وچ اختلاف ہندا اے۔ ایہہ رب، الہی اصول، توں ساڈی ناواقفیت اے جیہڑی ظاہری اختلاف نوں جنم دیندی اے، تے ایہدے بارے چنگی سوچ ہم آہنگی نوں بحال کردی اے۔

4- 444:2-6، 10-12

کسے طریقے نال، جلدی پادیر نال، سارے مادیت وچ برتری ول ودھدے نیں، تے تکلیفاں
اکثر اوس بلندی والی کار گزار بن دیاں نیں۔ ”ساریاں شیواں رل کے رب نوں
پیار کرن والیاں لئی بھلیائی پیدا کردیاں نیں،“ ایہہ کلام داد عویٰ اے۔

اوہ جیہڑے اوہدے اُتے یقین رکھدے نیں قدم ب قدم ایہہ جانن گے پئی ”رب
ساڈی پناہ تے طاقت اے۔ مصیبت وچ مستعد مددگار۔“

5- 17-14:410

رب اُتے ساڈے ایمان دی ہر آزمائش ساہنوں مضبوط کردی اے۔ مادی حالت دا
روح دے پاروں ہارنا جنہاں اُوکھا لگے گا اوہناں ای ساڈا ایمان مضبوط تے ساڈا پیار
پاک ترین ہونا چاہیدا اے۔

6- 3-30، 16-6:66

مشکلاں انسان نوں مادی عصا، اک خستہ نرسل اُتے نہ جھکنا سکھاؤندیاں نیں، جیہڑا دل
وچ کھب جاؤندا اے۔ خوشی تے خوشحالی دی دھوپ وچ اسی اوہدی نیم خیالی نیں
رکھدے۔ دکھ صحت بخش نیں۔ وڈھیاں مصیبتاں دے پاروں اسی بادشاہت وچ داخل

بائبل دا ایہہ سبق پلین فیلڈ کرچن چرچ، آزادولوں تیار ہو یا اے۔ ایہہ کنگ جیہڑا بائبل دیاں آیتاں تے میسری سیکر ایڈی دی لکھی ہوئی کرچن سانس دی درسی
کتاب، ”انسس تے صحت آیتاں دی کنجی دے نال“ وچوں لیاں ہوئیاں لازمی تحریراں نال بنیا اے۔

ہندے آں۔ آزمائشاں رب دی حفاظت داثبوت نیں۔ روحانی ترقی مادی امیداں
دی مٹی وچ پیدا ہوون والے بیج توں نمونئیں پاؤندی، بلکہ جدوں ایہہ فنا ہو جاؤندے
نیں، پیار نوے سرے توں روح دیاں اُچیاں خوشیاں نوں پروان
چڑھاؤندے، جیدے اُتے دھرتی دا کوئی داغ نہیں ہندا۔ تجربے داہر کامیاب
مرحلہ الہی چنگیائی تے پیار دے نوے نظریاں نوں کھولداے۔

دکھ وچ اوہدا اپنا اجراے۔ ایہہ ساہنوں اوتھے کدی نہیں چھڈدا جیتھے ساہنوں ایہہ پاؤندا
اے۔ آگ دی بھٹی سونے توں جنگال نوں دور کر دی اے تاں جوں رب دی صورت دے
نال قیمتی دھات کندہ کیتی جا سکے۔ جیہڑا پیالہ ساڈے پیونے دتاے، کیہ اسی اوہ نہ
پیے تے جیہڑا سبق اوہ ساہنوں کھاؤنداے اوہ نہ سکھئے؟

7 - 265:23-5

کیہڑاے جنہے انسانی سکون دے نقصان نوں محسوس کیتا تے روحانی خوشی لئی واوا خواہشاں
حاصل نہیں کیتیاں؟ آسمانی چنگیائی دے بعد سکون حاصل ہونداے ایہتوں
تیکر پی ایس توں پہلاں پی اسی اوہ دریافت کر دے جیہڑا سیان تے محبت دے نال تعلق
رکھداے۔ زمینی آساں تے خوشیاں دا نقصان بوہت دلاں دی چڑھن والی راہ روشن کر
دی اے۔ فہم دیاں تکلیفاں ساہنوں دس دیاں نیں پی ادراک دیاں خوشیاں منانی نیں تے
اوہ خوشی روحانی اے۔

فہم دیاں تکلیفاں صحت بخشش نہیں، جے اوہ جھوٹے پُر لطف عقیدیاں نوں کھچ کے دور کر دے
تے روح دے فہم توں محبت پیدا کر دے نہیں، جتھے رب دی مخلوق چسنگی اے تے ”دل
نوں شادمان“ کر دی اے۔ ایچ ای سائنس دی تلوار اے جیدے توں سچائی عنسلطی، مادیت
داسر قلم کر دی اے، انسان دی اُچی انفسرادیت تے لیکھ نوں ہتھاں دیندیاں ہوئے۔

8- 11-29:60

حبان وچ لا محدود وسائل نہیں جنہاں توں انسان نوں برکت دینی ہندی اے تے خوشی ہوو
آسانی نال حاصل کیتی جاؤندی اے تے ساڈے قبضہ وچ ہوو محفوظ رہوے گی، جے
حبان وچ تلاش کیتی جاوے گی۔ صرف اُچے لطف ای لافانی انسان دے نقشیاں نوں
تسلی بخش بنا سکدے نہیں۔ اسی ذاتی فہم دیاں خداں وچ خوشی نوں محدود نہیں کر سکدے۔
حساں کوئی اصلی لطف عطا نہیں کر دیاں۔

انسانی ہمدردیاں وچ چسنگیائی نوں بریائی اُتے تے حبانور اُتے روحانی نوں غلبہ پاؤنا
چاہی اے نہیں تے خوشی کدی فتح مند نہیں ہووے گی۔ او س آسمانی حالت دا
حصول ساڈی پیڑی نوں ترقی دیوے گا، جرم نوں تلف کرے گا تے امنگ نوں اُچے
مقاصد عنایت کرے گا۔ پاپ دی ہر وادی داسر اُچا کرنا چاہی اے تے خود

بائبل دا ایہ سبق پلین فیلڈ کرچن چرچ، آزادولوں تیار ہو یا اے۔ ایہ کنگ جیمز بائبل دیاں آیتاں تے میسرے سیکر ایڈی دی لکھی ہوئی کرچن سائنس دی درسی
کتاب، ”سائنس تے صحت آیتاں دی کنجی دے نال“ وچوں لیاں ہوئیاں لازمی تحریراں نال بنیاں۔

عسرضی داہر پہاڑ نیواں کرنا چاہیڈا اے، تاں جوں سانس وچ ساڈے رب دی
راہ ہموار کیتی جا سکے۔

9 - 20-11:22

”اپنی مکتی لئی کوشش کرو“، ایہہ حیاتی تے پیار دی مانگ اے، کیوں جے ایہتھے تیکر پہنچن
لئی رب تہاڈے نال کم کر دا اے۔ ”تسی قائم رہو و جدوں تیکر مسیں نہ آنواں!“ اپنے اجر دی
اڈیک کرو، تے ”نیک کم کرن وچ ہمت نہ ہارو۔“ جے تہاڈیاں کوششاں خوف تے
ہر اس وچ گھریاں نیں، تے تہانوں ایس ویلے کوئی اجر نہیں مل رہیا، پرت کے
عسطلی ول نہ جاؤ، تے نہ ای ایس دوڑ وچ سست ہو جاؤ۔

جدوں جنگ دادھوواں چھٹ جاند اے، تسی او س چنگیائی نوں جان جاؤ گے جیہڑی
تسی کیتی اے، تے تہاڈے حق دے مطابق تہانوں ملے گا۔

10 - 25-19:572

مکاشفہ 21 باب 1 آیت وچ اسی پڑھدے آں:

”فیر میں اک نواں آسمان تے اک نوی دھرتی نوں ویکھیا کیوں جے پہلا آسمان تے پہلی دھرتی حباندی رہی سی تے سمندر وی نہ رہیا۔“

انکشاف کرن والا ہالے موت اکھوان والے انسانی تجربے دے تبدیل شدہ مرحلے وچوں وی نئیں نگیا سی، پر اوہنے پہلاں ای نویں آسمان تے نویں دھرتی نوں ویکھ لیا اے۔

11 - 573:13-2

ایس سائنسی سمجھ دے نال اک ہور مکاشفہ سی، ایہتھے تیکر پئی آسمان ولوں اعلان، اُچی ہم آہنگی، پئی رب، ہم آہنگی دالھی اصول، ہمیشہ انسان دے نال اے تے اوہ ودے لوک نین۔ ایس لئی انسان نوں ہور رحم دے قابل پانی نئیں سمجھیا گیا بلکہ رب دابرکت والا پتر سمجھیا گیا۔ کیوں؟ کیوں جے آسمان تے دھرتی دے بارے مقدس یوحنا دی بدنی حس غائب ہو گئی سی، تے ایس جھوٹی حس دی ہتاں روحانی حس آگئی سی، جیہڑی اجیہی نفسی حالت سی جیدے پاروں اوہ نویں آسمان تے نویں دھرتی نوں ویکھ سکد سی، جیدے وچ روحانی خیال تے اصلیت دی سمجھ شامل اے۔ کلام دالہیہ اختیار ایس نتیجے نوں لیاں لئی سی پئی ہستی دی اجیہی پچھان ایس وجودیت دی ہن والی حالت وچ انسان لئی ممکن ہے تے ممکن رہی سی، پئی اسی موت، دکھ تے درد دے آرام نال ایہتھے تے ہنرے باخبر ہو سکدے آں۔ ایہ ساری کر سچن سائنس دی مٹھاس اے۔ برداشت کرن والے پیاریو! حوصلہ رکھو، کیوں جے ہستی دی ایہہ اصلیت یقینا کدی نہ کدی کسے نہ کسے

بائبل دالہیہ سبق پلین فیلڈ کر سچن چرچ، آزاد ولوں تیار ہو یا اے۔ ایہہ گنگ جیہڑا بائبل دیاں آیتاں تے میسری سیکر ایڈی دی لکھی ہوئی کر سچن سائنس دی درسی کتاب، ”سائنس تے صحت آیتاں دی کنجی دے نال“ وچوں لیاں ہوئیاں لازمی تحریراں نال بنیا اے۔

شکل وچ سامنے آوے گی۔ کوئی پیڑ نہ ہووے گی تے سارے اتھرو پونجھ دتے
حبان گے۔ جدوں تسی ایہ پڑھو تے یسوع دے ایہناں لفظاں نوں یاد رکھو، ”رب دی بادشاہی
تھاڈے وچکارے۔“ ایسے لئی ایہ روحانی سمجھ ہن والا امکان اے۔

12- 273:18 صرف

جدوں روح ولوں حکمرانی ہندی اے تے انسان سکون وچ آحباں اے۔

روزانہ دے فرض

میری بیکریڈی ولوں

روزانہ دی دعا

ایس چرچ دے ہر رکن دا ایہہ فرض اے پئی ہر روز اوہ ایہہ دعا کرے: ”تیری بادشاہی آوے؛“ الہی سچائی، حیاتی تے
پیار دی سلطنت میرے اندر قائم ہووے، تے سارے پاپ میتھوں نکل جان؛ تے تیرا کلام سارے انساناں دے پیار
نوں ودھاوے، تے اوہناں اُتے حکومت کرے۔

چرچ مینوسٹریل، آرٹیکل VIII، سیکشن 4۔

مقصداں تے کماں دا اک اصول

نہ کوئی مخالفت تے نہ کوئی ذاتی تعلق مادری چرچ دے کسے رکن دے مقصداں یا کماں اُتے اثر نہیں کرنے چاہیدے۔ سائنس وچ، بس الہی پیار ای حکومت کرداے، تے اک مسیحی سائنسدان پاپ نوں رد کردیاں ہوئے، سٹیجی پراہ بندی، خیرات پسندی تے معافی نال پیار دیاں مٹھیاں سچیاں داپر چھانواں بن دااے۔ ایس چرچ دے سارے رکنوں سارے پاپاں توں، غلط طراں دیاں پیشن گوئیاں، منصفیاں، مذمتاں، صلاحواں، غلط اثراں نوں لین تے غلط اثر دین توں آزاد رہن لئی ہر روز خیال رکھنا چاہید اے تے دعا کرنی چاہید اے۔

چرچ مینوسٹریل، آرٹیکل VIII، سیکشن 1۔

فرض لئی چستی

ایس چرچ دے ہر رکن دا ایہہ فرض اے پئی اوہ ہر روز جارحانہ ذہنی صلاحواں دے خلاف اپنے آپ نوں تیار رکھے، تے رب، اپنے قائد تے انساناں لئی اپنے فرضاں نوں نہ کدی بھلے تے نہ کدی نظر انداز کرے۔ اوہ دے کماں دے راہیں اوہ انصاف ہووے گا، اوہ بے قصور یا قصور وار ہووے گا۔

چرچ مینوسٹریل، آرٹیکل VIII، سیکشن 6۔